

故宮博物院藏

四庫

全書

撤出本

彙編

第二十一冊

故宮博物院編

故宮出版社

第二十一册 目錄

南北史合注卷一百四十四—卷一百五十三 一

卷一百四十四 三

卷一百四十五 三七

卷一百四十六 七七

卷一百四十七 一二五

卷一百四十八 二二九

卷一百四十九 三〇七

卷一百五十 三三五

卷一百五十一 三九九

卷一百五十二 四七三

卷一百五十三 五一三

欽定四庫全書

史部

南北史合注卷一百四十四至
七

甲
三
分

欽定四庫全書

古史集解

南北史合注卷一百四十四

明李清撰

列傳第四十六

北史五十八

周宗室

邵惠公顯

杞簡公連

莒莊公洛生

虞國公仲

廣川公測
弟深

東平公神舉 弟慶

邵惠公顥周文帝長兄德帝娶樂浪王氏是為德后生

顥性至孝居德后喪哀毀過禮帝與衛可 闕 馬顥

與數騎奔救乃免顥遂戰歿保定初追贈大冢宰封邵

國公諡曰惠三子什肥尊護 護別見

什肥自傷早孤事母以孝聞文帝入 闕 不能離母 闕 留

晉陽文帝定秦隴什肥為齊神武所害保定初追贈大將軍小冢宰襲爵邵國公諡曰景子胄先陷於齊保定

初詔以晉公護子會紹景公封及冑歸會改封譚國公
後與護同誅建德三年追復封爵冑別見

導字菩薩少雄豪初與諸父在葛榮中榮敗遷晉陽與
文帝隨賀拔岳入關當從征伐文帝討侯莫陳悅敗
北走出故塞導追斬之平屯山以功封饒陽縣伯

周書曰太祖東征導入宿衛拜領軍將軍齊神武渡
河侵馮翊太祖自弘農引軍入關導督左右禁旅會
于沙苑大破齊神武軍

魏文帝東征留導為華州刺史既而趙關雀于伏德慕

容思慶等作亂導擒伏德斬思慶屯渭橋會文帝軍事

平進爵章武郡公加侍中高仲密以北豫州降文帝東

征復以導為大都督行華州刺史治兵訓卒甚得守扞

之方及大軍不利東魏追至稠桑知關中有備乃退齊

文宣稱帝文帝討之魏文帝遣齊王廓鎮隴右徵導拜

大將軍大都督二十三州諸軍事屯咸陽大軍還乃旋

舊鎮導性寬明善撫御臨事敬慎文帝每出征導恒居

守深為吏民所附朝廷重之卒於上邽魏文帝遣侍中
漁陽王繩監護喪事贈尚書令諡曰孝朝議以導撫和
西戎威恩顯著欲令世鎮隴右以彰厥德乃葬上邽城
西無疆原華戎會葬者萬餘人奠祭於路悲號振野皆
曰我君捨我乎大小相率負土成墳高五十餘尺周四
八十餘步為官司所止然後泣辭而去天和五年重贈
導上柱國公導五子廣亮翼椿衆亮椿出後於杞廣字
乾歸闕 嚴好文學武成初位大將軍梁州總管進封

蔡國公累遷秦州刺史總管十三州諸軍事廣性明察
善撫綏民庶畏悅之時晉公護諸子及廣弟杞公亮等
侈靡踰制廣獨率禮又折節待士朝野稱焉曾侍於武
帝所食瓜美持以奉進帝悅之廣以護擅權勸令挹損
護不能納後除陝州總管以病免及孝公追封豳國公
詔廣襲初廣母李氏以廣久病憂而成疾遂歿廣居喪
加篤乃以毀卒世稱為廣病廣為母死慈孝之道極於
一門武帝素服親臨其故吏儀同李充信等上表褒述

申其宿志庶存儉約

周書載李充信表曰廣位極上公賦兼千乘所獲祿
秩周贍無餘器用服玩取給而已每言及終始尤存
簡素非秦政而褒吳禮譏石槨而美厚薪今卜兆有
期恐此志莫伸乞勅有司伸其夙志

詔曰昔河間才藻追敘於中尉東海謙約見稱於身後
可斟酌前典率由舊章使易簀之言得伸遺志黜殯之
請無虧令終於是贈本官加太保隴右十四州諸軍事

秦州刺史謚曰文藝於隴右所司一遵儉約子洽嗣隋
文輔政被害國除翼字乾宜封西陽郡公早歿謚曰昭
無子以杞公亮子溫嗣後坐亮反誅國除衆字乾道少
不慧封天水郡公為隋文所害

周書曰衆少不慧語默不常人不能測隋文帝踐極
初欲封為介公後復誅之并二子伸和孰倫

杞簡公連幼而謹厚臨敵果毅隨德帝遇定州郡於唐
河俱戰歿保定初追贈太傅柱國大將軍大司徒封杞

國公諡曰簡子光寶為齊神武所害保定初追贈大將軍小司徒襲封杞國公諡曰烈以章武公導子亮嗣亮字乾德位梁州總管及豳國公廣薨以亮為秦州總管廣所部悉配之在州甚無政績尋進柱國

周書曰晉公護誅後亮不自安惟縱酒而已高祖手勅讓之

從東伐仍從平鄴遷大司徒大象初以行軍總管與元帥鄖國公韋孝寬等伐陳還至豫州密謀襲孝寬營孝

寬追斬之

愚按亮以子溫婦尉遲氏為宣帝所淫故懼而有謀
見尉遲後傳周書乃載亮謂長史杜士峻曰主上淫
縱滋甚社稷將危吾既忝宗枝不忍坐見傾覆今若
襲取鄖公并其衆推諸父為主鼓行而前誰敢不從
會亮國官茹寬知謀馳告孝寬孝寬設備亮不克遁
孝寬追斬之觀此非無名未可坐之為反也

子明坐亮誅詔以亮弟椿為烈公後椿位上柱國大司

徒大定未靜帝禪位於隋帝椿奉策開皇初

北史作大定中誤今增入奉冊一事便知為開皇
為隋文帝所害并其五子

愚按周書所載椿五子為西陽公道宗本仁隣武子
禮獻等因嘆隋文族宇文氏通鑑止言周太祖以下
皆死觀此則及太祖以上并兄弟之子皆盡惡浮高
洋矣洋于魏踈宗元文遙景安等猶不誅也他日身
及五子不以壽終有以夫

莒莊公洛生少任俠好施愛士北州賢俊皆與游才能多出其下及葛榮破鮮于修禮以洛生為漁陽王仍頌德帝餘衆時人皆呼為洛生王洛生善撫將士帳下多驍勇克獲常冠諸軍爾朱榮定山東時洛生在鹵中榮雅聞其名心憚焉尋為榮所害保定初追贈大將軍封莒國公謚曰莊子菩薩為齊神武所害

齊神武害宇文子姓于冉于三它日周武夸高氏族其以此夫

保定初追贈大將軍小宗伯襲爵謚曰穆以晉公護子
至嗣至後坐父護誅詔以衛王直子賓為穆公後賓尋
坐直誅而齊王憲子廣都郡公貢襲宣帝初被誅國除
虞國公仲德帝從父兄也卒于代保定初追贈太傅柱
國大將軍大司徒封虞國公子興嗣興生屬兵亂與仲
相失年幼莫知其戚屬遠近與文帝兄弟初不相識沙
苑之敗預在行間被鹵隨例散配諸軍興性弘厚有志
度雖流離世故而風範可觀保定二年詔訪仲子孫興